

Na osnovu člana 16. stav (1) i člana 17. stav (2) Zakona o Vladi Hercegovačko - neretvanskog kantona („Službene novine HNK“, broj: 3/07, 5/09), i člana 28. stav (6), a u vezi s članom 62a. Zakona o koncesijama Hercegovačko - neretvanskog kantona („Službene novine HNK“, broj: 1/13, 7/16 i 6/18), Vlada Hercegovačko-neretvanskog kantona je na 96. sjednici, održanoj 15.1.2019. godine, donijela

ODLUKU

O DODJELI KONCESIJE ZA OBAVLJANJE ELEKTROPRIVREDNE DJELATNOSTI PROIZVODNJE, PRENOSA I DISTRIBUCIJE ELEKTRIČNE ENERGIJE ZA ELEKTROENERGETSKE OBJEKTE FOTONAPONSKA ELEKTRANA „HODOVO SOLAR 1“, INSTALISANE SNAGE 149,75 kW I FOTONAPONSKA ELEKTRANA „ENERGIJA HODOVO 2“, INSTALISANE SNAGE 149,75 kW, NA LOKALITETU „PJEŠIVAC“, GOSPODARSKA ZONA HODOVO, OPĆINA STOLAC

I

Vlada Hercegovačko - neretvanskog kantona kao koncesor, dodjeljuje koncesionaru privrednom društvu ENERGIJA HODOVO d.o.o. Sarajevo, koncesiju za obavljanje elektroprivredne djelatnosti proizvodnje, prenosa i distribucije električne energije za elektroenergetske objekte:

- a) fotonaponska elektrana „Hodovo Solar 1“, instalisane snage 149,75 kW, na lokalitetu „Pješivac“, Gospodarska zona Hodovo, Općina Stolac, na zemljištu označenom kao k.č. 991/70 K.O. Pješivac (novi premjer k.č. broj 1/74 K.O. Pješivac), i
- b) fotonaponska elektrana „ENERGIJA HODOVO 2“, instalisane snage 149,75 kW, na lokalitetu „Pješivac“, Gospodarska zona Hodovo, Općina Stolac, na zemljištu označenom kao k.č. 991/138 K.O. Pješivac (novi premjer k.č. broj 1/142 K.O. Pješivac).

II

- (1) Koncesija se dodjeljuje na period od 15 (petnaest) godina.
- (2) Rok trajanja koncesije počinje teći od dana zaključenja ugovora o koncesiji.
- (3) Koncesija prestaje istekom petnaeste godine od dana početka trajanja koncesije.

III

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede Hercegovačko – neretvanskog kantona.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

- (1) Jednokratna koncesiona naknada za:
 - a) elektroenergetski objekat fotonaponska elektrana „Hodovo Solar 1“ iznosi 403,95 KM (slovima: četiristotinetrikonvertibilnemarka i 95/100),
 - b) elektroenergetski objekat fotonaponska elektrana „ENERGIJA HODOVO 2“ iznosi 403,95 KM (slovima: četiristotinetrikonvertibilnemarka i 95/100).
- (2) Tekuća (godišnja) koncesiona naknada za korištenje obnovljivih izvora i obavljanje djelatnosti (TKNd) obračunavat će se prema formuli: $TKNd = 0,03 \times GBP \times 0,05 \sum B$, za svaki elektroenergetski objekat pojedinačno.
- (3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije.

(2) Zakonski propisi i standardi koji regulišu pitanja građenja, zaštite okoline, vodoprivrede i zaštite na radu, su također obavezujući za koncesionara.

VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, pribaviti sve dozvole/saglasnosti koje su propisane posebnim zakonima, a koje je obavezan pribaviti prije početka korištenja koncesije, kao i za vrijeme trajanja ugovora o koncesiji, i fotokopije istih dostaviti koncesoru u roku od 15 dana od dana njihovog pribavljanja;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

VIII

Odluka stupa na snagu danom njene konačnosti, a objavit će se u „Službenim novinama Hercegovačko - neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

V L A D A

Broj: 01-1-02-111/19

Mostar, 15.1.2019.godine

P R E D S J E D N I K

dr. sc. Nevenko Herceg